

Gerriko a

Israeldar erria. Jainkoa. Zelako ar-emonak alkarregaz! Jainkoak maite dau erri au. Aita da izan be, Israel'en Aita, ta aita batek ezin ezertara be bere semea, bere erria aztu. Israel'ek, baiña, ez eutson sarri maitasun orri erantzun. Ezta urrik emon be. Gaur ez ete dira, or-emen, antzeko erriak?

Jeremias igarleak gauza arrigarriak idatzi zitun: **gerrikoarena**, bat. Jeremias'ek lenengo jantzi egin bear eban, gero Eufrates ibai ondoko aspe batean gorde. Baiña geroago, Jaunaren beraren aginduz, aren billa joan zanean, ustelduta aurkitu eban, ezertarako gauza etzalarik.

Eta Jaunak diño: «Orrela ustel-erazoko ditut Judarren arrokeria ta Jerusalem'en aundi-ustea». Zergaitik? Ez ete zan zintzoa Juda? Ez ete zan ona Jerusalem? Azalez bai, baiña ez Jainkoaren aurrean. Erri orreik ez ditue Jaunaren itzak entzun. Biotz-setaz ibilli dira, jainko arrotzak gurtu ta arei burua makurtzera joanik. Gaiztakeri-zulora jausiak dira.

Erri oneik ortaz ezertarako ez dan gerriko lez geratu dira. Jaunak aukeratu zituan, bere izen, ospe ta aintza izan eitezan, Baiña ez dabe entzun nai izan Aren abots leuna.

Edozein bidez ibillirik, griña zatarren leraz jardunaz ustel geratu dira. Ta gerrikoak, bein pirtzildu, dindarrez bete ta usteldu ezkerok, eztau ezertarako balio. Erriak be ez dira ezertarako gauza, Jainko-bidetik aldendu ezkerok, Ari entzun nai izan ezik. Sutarako egurra lez dira.

Jainkoa, len eta orain, beti da bilkigu bardin: bere seme billa. Gu guztiok bere seme-alaba gara; Berak egiñak, Beretzat egiñak. Erriak be Berak egiñak. Kristo, gure Eros-le nausia, gure billa jatsi zan zerutik. Eta gure onerako, errien onerako ibilli zan, atertu barik, zeru-erreñua zabaltzen; gizonari gaitz miñak osatzen; gizona zoriontzen, gizonari gosea ta egarria arintzen, gizonaren biltzea jartzen. Labur: on egiten...

Gu guztiok Jainkoak beretzat aukeratu zituan, Bere etxeokak. Bere gerrikoak. Aita-gerritari gerrikoak lotzen dituzte, guri be Jainkoak bere seme gaur. Baita gure Euskalerritarok. Gu —ta gure erria— naitasuna izatea nai dau. Ete gara gerriko ustelak? Arrokeriz ta aundi-ustez beteak, bear bada? Aurretz jainkoak gurtzen ete doguz? Anaitasuna, bakea ta zuzentasuna nai ba'ditugu, gabiltzan Jainkoaren gogozko bidez.

Barrutia